



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Amatus Abbas. 13. Septembris.

[urn:nbn:de:hbz:466:1-62968](#)

UT imiteris S. Guidonem Peregrinantem in terris, moveare ad instar Circini qui non mouetur in orbem, nisi ad voluntatem illius qui gerit in manu. Ita voluntas hominis Christiani omnes motus suos conformet voluntati divinae, dicat in omnibus: *non mea sed tua voluntas fiat.* Sicut circinus fixo uno pede immobiliter in centro, altero circumuenio perficit orbem, ita tu extende te ad curas & negotia vita tuae, corpore per varias occupationes, vagando, sed animo semper Deo, insistens. Nam Christus ipse dicit. *Qui manet in me, & ego in eo, hic fecerit fructum multum,* Joh. 15.

2. Imitare in peregrinatione hujus vita evagitationes prædabundæ per prata, & hortos apiculae, quæ non redit in alveare nisi onusta. Ita quotidie aliquid boni collige & reconde pro æternitate felice tibi præparandâ. *Charitas* inquit S. Chrysost. hom. 33 Epist. 1. ad Cor. *Veluti frugi quadam apicula, bona omnia undiq; collecta, in amantis animam importat.* Quomodo colligis quotidie?

3. Imitare motum navis. Ita innitere fluxis, ut obtineas portum. Vela semper pande in altum spe gratiæ. Fortiter obnitere fluctibus fortunæ adversæ, quos superabis efficaciâ gratiæ. Secundo cursu utere cum moderatione, ne te præcipitem rapiat fortuna. Tuorum consiliorum gubernatrix sit mens divina.

S. AMATUS ABBAS.

13 Septembris.

M 2 Qui

*Qui fidelis est in minimo, etiam in
majori fidelis est. Luc. 16.*

Gratianopoli AMATVS natus à Patre
Theodoro DEO devotus est. Tam san-
ctis initiiis respondit sanctior vita, quam, in
Auguensi Cœnobio, annis triginta religio-
sè, in solitudine postea rigidissimè exegit.
Aquam & panem, quæ in triduum ex mona-
sterio accipere solitus erat, invidit dæmon,
qui in corvi forma, aquam, eversâ hydri,
sæpe effudit panemque abstulit, gratulante
sibi Sancto, quod sic longiore jejunio DEI
amore se macerare posset. Cùm ei struenda
cellula, errore fabri, ligna mensuram non
attингebant; ea, AMATVS oratione sua, ut
apta essent, extendit; fontem, ne adferrit
porrò undas necesse esset, post preces scipio-
ne ad ipsam speluncam elicuit. Otio sibi exo-
so, ne locum daret, terram pro semente effo-
dit: unde cùm hordeum messuisset, suus ip-
se molitor, & pistor, atque etiam cocus dein-
ceps fuit. Saxum ingens, ab alto rupis in cel-
lulam ruens, crucis opposito signo, stitit, &
rupi ut adhæresceret sine fulcro obtinuit.
Non nisi dominicis ad sacra egressus cellâ est,
lectus ei perpetuus cilicium cinere consper-
sum

sum, cūjus edacitate ad ossa usque caro ejus
erosa est. Defunctus cūm esset in Catholice
fidei professione, triduo pōst Fratribus Mo-
nastrii felicitatis obtentæ testis gloriosus
apparuit. Sic, ais, itur ad astra. At per aspera.
Cave ergo ne mollia secteris: nam sic prope-
ratur ad orcum. *Lippeloo.*

MEDITATIO.

De vitandis noxis venialibus.

1. PECCATA venialia diligenter vitanda sunt. Ut pote
quibus ad mortalia sensim descenditur: nemo
derepente fit pessimus, sed levis noxa via est ad scelus.
Utileissimo morbo diligenter occurris, ita peccato
cuilibet occurrentum: non te defendet levitatis ex-
cusatio: *Nam nunquam excusat, quod Deus damnat.*
Tertull.

2. Peccatum veniale quantumlibet parvum videa-
tur, maximum est: Deum quippe offendit. An ex-
ploratum tibi est, quid sibi velint verba hæc quæ in-
terdum jaetas? modò nullum peccatum mortale ad-
mittam, de venialibus parum curo: hoc est, nolo
quidem Dominum Iesum Crucifigere & occidere,
sed volo duntaxat capiti ejus spineam coronam impo-
nere, corpus ejus flagellis cädere, faciem sputis &
alapis deturpare, & nisi gehennæ timor deterret le-
thali peccato eum rursus occiderem. Impie! crude-
lis! en germanum verborum tuorum sensum!

3. Nisi lacrymis venalia peccata hīc deleantur, in
purgatorio igne purgabuntur. At quām acres sunt

M 3 ignes.

ignes illi ! quām horrendus purgatoriī carcer ! infernus temporaneus est , alteri non dissimilis , si pœnum æternitatem , & incolarum impietatem excipiatur . An est tanti in peccato percepta voluptas , ut ea atrocibus suppliciis ematur ? Hunc transitorium ignem omni tribulatione praesenti existimo intolerabiliorem .

EXALTATIO S. CRVCIS

4. Septembris.

Si exaltatus fuero à terra, omnia traham ad me ipsum. Joan. cap. 15.

Si minus bellare feliciter, certè prædari non sicut Cosrhoas , qui cùm captam totius Hierosolymam ipse etiam cepisset : prædam nimium quantum magnam Crucem Servatoris in Persidem asportavit. Doluit Christianus Imper. Heraclius spolia hæc Christianis detracta esse , & cœlo auctore armis commune omnibus Christianis dedecus aggressus abolere , ternas copias Cosrhoæ totidemque Duces felici Marte devicit , fortissime Christianis ut potè pro signis suis dimicantibus. Costhoas dum fugâ Tigrim trajicit , solum regni filium minorem Mardesam sibi adsciscit. Id maximus natu Syroës impatiens

ter